

Na osnovu člana 16. stav (3) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 12. stav (4) Zakona o osnovnoj školi („Službene novine Zeničko-dobojskog kantona“, broj: 3/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 85. sjednici, održanoj dana 13.06.2025. godine, d o n o s i

R J E Š E N J E
o imenovanju predsjednika i članova Komisije za procjenu saobraćajne ugroženosti
učenika na pripadajućem školskom području u osnovnim školama na području
Zeničko-dobojskog kantona

Član 1.

(1) Imenuje se Komisija za procjenu saobraćajne ugroženosti učenika na pripadajućem školskom području u osnovnim školama na području Zeničko-dobojskog kantona (u daljem tekstu: Komisija) u sastavu:

- a) Slađan Matković, predsjednik;
- b) Darija Kuhar, član;
- c) Indira Pivić, član;
- d) Senaid Mujezinović, član;
- e) Irena Palavra, član.

(2) Administrativno-tehničke poslove za potrebe Komisije obavljat će Jašarević Nermina, viši referent za administrativno-tehničke poslove u Ministarstvu za obrazovanje, nauku, kulturu i sport.

Član 2.

Imenovani članovi Komisije iz člana 1. ovog rješenja, dužni su da u svemu postupaju u skladu sa odredbama Zakona o osnovnoj školi („Službene novine Zeničko-dobojskog kantona“, broj: 3/18) i to na način da: daju obrazložena mišljenja u pogledu procjene ugroženosti sigurnosti učenika - pješaka na relacijama prevoza čija je udaljenost od mjesta stanovanja do škole ispod pet kilometara u jednom pravcu, u osnovnim školama na području Zeničko-dobojskog kantona, u skladu sa odobrenim službenim Daljinarom Zeničko-dobojskog kantona, prikupljaju i pregledaju pristigle zahtjeve škola u pogledu procjene ugroženosti sigurnosti učenika - pješaka na ovim relacijama prevoza, a u cilju odobravanja uvrštavanja takvih relacija u postupku javnih nabavki za usluge prevoza učenika za tekuću godinu, te pripremaju Prijedlog Zaključka za davanje saglasnosti za osiguranje dodatnog prevoza u školi i pripadajuću dokumentaciju sa potpisanim i obrazloženim mišljenjem, a prije donošenja konačne odluke od strane Vlade Kantona.

Član 3.

Predsjednik i članovi Komisije iz člana 1. ovog rješenja, imenuju se na period od četiri godine.

Član 4

Način rada i druga pitanja od značaja za rad i organizaciju Komisije uređuju se Poslovníkom o radu Komisije.

Član 5.

- (1) Naknada za rad predsjedniku i članovima Komisije utvrđuje se u iznosu od po 150,00 KM (slovima: stotinupedesetkonvertibilnihmaraka), pod uslovom da u toku mjeseca bude održana najmanje jedna sjednica.
- (2) Pravo na naknadu imaju samo članovi Komisije koji su prisustvovali sjednicama i obavljali poslove i zadatke iz člana 2. ovog rješenja.
- (3) Osoba koja će obavljati administrativno-tehničke poslove za potrebe Komisije ima pravo na naknadu u visini od 70% naknade utvrđene za jednog člana.

Član 6.

Naknada iz člana 5. ovog rješenja isplaćivat će se iz Budžeta Zeničko-dobojskog kantona sa razdjela 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 613900 – Ugovorene i druge posebne usluge (Izdaci za komisije, zastupnike i druge samostalne djelatnosti).

Član 7.

Za realizaciju ovog rješenja zadužuje se Ministarstvo za obrazovanje, nauku, kulturu i sport i Ministarstvo finansija, svako u okviru svoje nadležnosti.

Član 8.

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-34-11869/25

Datum, 13.06.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Imenovanim, putem Ministarstva,

1x Ministarstvo finansija,

1x „Službene novine Zeničko-dobojskog kantona“,

1x a/a.